

October
2009PO Box 20
Hermanus 7200

	Telephone	Fax
Hermanus	028 313 8000	028 313 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Hour Emergency Fire Brigade	028 313 8000/8111 028 312 2400	

Bulletin

Incwadi ethunyelwa amalungu e - Bhunga le Overstrand esesikweni

UTSHINTSHO KWIZIHLALO ZAMALUNGU EBHUNGA UPIETER SCHOLTZ NGUSEKELA-SODOLOPHU OMTSHA

Kwintlanganisano yebhunga likaMasipala waseOverstrand eyayibanjwe ngomhla woku-1 kuSeptemba, uPetrus Albertus Scholtz omnyaka ingama-64 nolilungu leDemocratic Alliance wonyulwa ngamxhel'omnye ukuba abe ngusekela-sodolophu ongumaghuza.

Ungena esikhundleni sikaSibonda wedolophu uVerrell Herbert, othathe umhlalaphantsi ngomhla wama-31 kuJulayi walo nyaka. Umnu Herbert ufudukele eAustralia ukuze abe kufutshane kwintombi yakhe nakubazukulwana. Uyise oselemdala naye uhlala kwalapho eAustralia.

UScholtz, osebenze ixesha elide kwiNkonzo yaMapolisa aseMzantsi Afrika waze wathabatha umhlalaphantsi sele eyibigadiya waba lilungu lebhunga likaMasipala waseOverstrand kwasekusekweni kwalo, wazondelela ngamaxesha onke enguceba wewadi omele iDemocratic Alliance.

Emva kokhetho lwango-2006, wonyulwa nguCeba Theo Beyleveldt uSodolophu onguMaqhuzi ukuba asebenze njengelungu leKomiti kaSodolophu, uqale kwipotifoliyo yeZezimali noLawulo lweNkonzo, kodwa ithe isakuba ihlangahlengisiwe ikomiti wathabatha ipotifoliyo yeZibonelelo ezisisiseko, uCwangciso noCwangciso loQoqosho



Overstrand's Deputy Mayoral couple, Ans and Pieter Scholtz.

kwaye uza kuyibamba le potifoliyo ngaxeshanye nokuba nguSekela Sodolophu.

UCeba Philippus Appelgrein wonyulwe nguCeba Theo Beyleveldt uSodolophu onguMaqhuzi eOverstrand, njengelungu leKomiti kaSodolophu kwipotifoliyo yeeNkonzo zoluNtu neeNkonzo zoKhuseleko.

Amava awafumene njengoceba kwiminyaka emithathu edlulileyo, idibene neminyaka engama-28 yamava awafumene kwicandelo lobunjinieli phantsi koMkhosi woKhu-



(Left) Cllr Philip Appelgrein, new Mayoral Committee member for Community and protection services. (Right) Ald Willie Smuts... previous Mayor who retired finally after 26 years of service.

selo nalapho wonyuselwa kwisi-khundla sokuba ngumlawuli kwezobunjinieli, kuthe uba ukuba ungena kwisikhundla sakhe esitsha exhotyiswe ngokwaneleyo. Umsebenzi wokuhanjiswa kweenkonzo yinto ephambili kwizicwangciso zakhe, kwaye uza kwenza iinzame zokuphanda uqoqosho nentlalontle eOverstrand.

I-Democratic Alliance yonyule uMnu Rudolf Smith ukuze abe lilungu lebhunga elimele umbutho, ilungu elisisabelo ngokobukhulu bombutho. UMnu Smith yinkokheli yoluNtu eHawston.

USibonda wedolophu uWillie Smuts, owayesakuba ngusodolophu eOverstrand

(phakathi kwama-2000 ukuya kuma-2006) naseHangklip-Kleinmond (phakathi kowe-1995 ukuya kuma-2000), uyeke emsebenzini ngomhla we-2 kuSeptemba 2009 njengoceba kaMasipala waseOverstrand, ngokwenza njalo ushiya isikhundla esiseOverburg apho ebe lilungu elimele iOverstrand ekwangu-sihlalo wekomiti yepotifoliyo ejongene neeNkonzo zikaMasipala. Wamkele isithuba esihlaziwayo kuMasipala woMmandla uku- asebenze njengomcebisi ngokuphathelele kwinkonzo zikaceba nemicimbi yezemisebenzi, okanye ongeze abantu bokwenza umsebenzi njengoko uMphathi kaMasipala kumfanele ukwenza njalo xa kukho imfuneko.

UMnu Smuts, owanikwa iwonga lokuba ngusibonda wedolophu izihlandlo ezibini, uneminyaka engama-26 esebenzela urhulumente wenqila, ngaphezulu, ngexesha leminyaka ye-1980 usebenze njengosodolophu eVereeniging. Kungoku nje uthabathe umhlalaphantsi wasishiya nesikhundla sokuba ngusihlalo weBhunga loThethathethwano elingekho phantsi kweSixeko esimbhaxa saseNtshona Koloni.

UMnu Smuts waye ngummeli weANC kwibhunga, ilungu elisisabelo ngokobukhulu bombutho, usaligcine kuye igama lalowo uza kungena ezihlalwini zakhe njengoceba.

KUNIKEZELWE NGEZINDLU ESTANFORD

Izindlu zokuqala zamaxabiso afikelekayo eStanford zinikezelwe kubanikazi bazo abatsa ngoLwesithathu umhla wama-26 Agasti 2009 - ngeveki ezilishumi elinethoba ngo emva bokuba kuguqulwe isoyi yokuqala.

Abo bathe baxhamla ngabantu abathelelwa ziimeko ebahehlala phantsi kwazo: uKarel noElizabeth Blok abakhubazekileyo, emva kokuchitha ubomi babo bebulaleka kwiifama zommandla waseStanford, ngoku bafumene indawo esisigxina yokuhlala nalapho baza kufumana ukuphumla; kukho uSandile noNosisa Mgwaza abatshatleyo abahleli benephupha lokuqala ubomi obutsha emva kokuba abantwana babo abathathu betshele etyotyombeni babhubha.

Kwileta esuka kusapho lakwaMgwaza eyathi yafundwa uSandile uchuba isehliso somhla wama-25 Novemba 2005 abangasoze basilibale ebomini babo xa intsapho yabo uNtombi Siyathemba, uLulama noLulamilie bathi babhubha ngokutsha ngumilo. Bayazigxeka ngobomi ababebuphila ematyotyombeni kwaye ukusukela ngoko bahleli benephupha lokuzifunela indlu. 'Ndiswele imilomo eliwaka ebendinokubulela ngayo' wathetha wenza njalo.

Ukususela ngoko zonke izindlu ezazikho zanikezelwa kubanikazi bazo. Kule nkqubo yokunikezelwa kwezindlu, umnikazi wendlu ngamnye utyikitya incwadi yesiqibo sokuthenga, uvula iakhawunti kwamasipala enze ubungqina obubhaliweyo bokuba wonelisekile ngumgangatho wendlu.

Iprojekti yaseStanford ibisenziwa zizindlu ezakhiwe zangama-88 yinkampani yokwakha uM5 Developments Cape. UMnu Rieger van Rooyen, umlawuli wakwaM5, wathi bebezilise ekuboneleleni abanikezelwe ngezindlu indawo abanokuhlala kuyo ngolonwabo nokhuseleko. Isakhiwo sendlu senziwe sanomnye umnyango weglasi neefestile ezinkulu ze-aluminiyam eziza kwenza kukhanye ngakumbi ezindlini.

UCeba Theo Beyleveldt onguSodolophu, wathi ilinge lokufumana omnye umhlaba wokwakha izindlu eStanford alibaphumlisi kwaye kulindeleke ukuba isisombululo salo mcimbi basifumane kwisithuba seenyanga ezintandathu. Ngokuphathelele kwinkqubo yokwakha izindlu ngokubanzi, iprojekti elandelayo iza kwenziwa eBetty's Bay, emva koko yenziwe eKleinmond.



U-Theo Beyleveldt onguSodolophu usika iribhoni kumnyango wendlu entsha kaSandile noNosisa Mgwaza ngeli xesha uMnu Boginkosi Madikizela, uMphathiswa weZindlu (kwisandla sasekhohlo ekugqibeleni), noRieger van Rooyen, umlawuli ophambili kwinkampani yokwakha i-M5 Developments Cape (kwisandla sasekunene ekugqibeleni), babukelelo.

EKUGQIBELENI: I-PRINGLE BAY YAKHELWE IHOLO LOLUNTU



I-Tru-Cape Kogelberg Mountain Challenge ngumcimbi wokuqala owathi waqhutylwa kweli holo litsha loluntu.

I-Overstrand inqwenela ukuba uluntu luqhubele phambili ngokuphila ubomi obuphucukileyo, ngenxa yesi sizathu, azikho ngaphantsi kweshumi elinesithandathu iholo zoluntu eziye zalungiswa zasemgangathweni okanye zakhiwa kule minyaka mithathu igqithileyo.

Nangona iHolo elitsha lasePringle Bay, lavulwa ngomhla wama-25 kuAgasti ngomsihtho owawuzele lunonwabo, liyiprojekti yokugqibela kwezi, kwaye kukhangeka ngathi yeyona projekti yagqitywa phantsi kobunzima obukhulu.

Iklabhu yamanenekazi kulo mmandla ugudle unxweme unombono oquququkayo ikhankasele ukwakhiwa kweholo iminyaka engaphezulu kweshumi elinesihlanu. Kude kwayile minyaka idlulileyo, icawa iyindawo yokwenzela imisebenzi yentlalontle neminye imisebenzi yoluntu, indawo ehloniphekileyo ekwakungafanelekanga ukuba kwenzelwa nantoni na kuyo – ngakumbi xa ubani efuna ukusonga unyaka ophelileyo ngomdaniso ohlala usenziwa ngobusuku obandulela unyaka omisha.

Inkqubo ende elandelwayo phambi kokuba kwakhiwe iholo loluntu yayisenziwa nzima nangakumbi yimfuneko yokuba kuhlonitshwe yonke imiqathango esemthethweni. Okokuqala, kufuneka kuchongwe indawo

elibala elingenaye umnini, lohlulahlulwe, licandwe ngokutsha emva koko kwenziwe uphando ngempembelelo enokudleka kosingqongileyo. Kwakhutshwa imali efunekayo kwibhathethi yabekelwa bucala, kodwa ithenda yayixhome kakhulu ... kwaba njalo ukuhamba kwezinto.

Ngethamsanqa, ekugqibeleni kwafumaneke isisombululo kwiingxaki ezazikho. Ngokuphathelele kumsebenzi wokwakha, kwenziwa isigqibo sokuba kusetyenziswe olunye uhlobo lokwakha endaweni yolu luqhelekileyo apho ubume besakhiwo benziwa ngeentsimbi ezithi zakhelwe ngemathiriyeli efanelekileyo ngaphakathi nangaphandle.

Ithenda yafunyanwa yiOverberg Light Steel Construction, yaza iprojekti yagqitywa kwisithuba seenyanga ezintathu. Baye banochulumanco abahlali basePringle yile projekti kunjalo nje babesiza rhoqo esayithini ukuza kuncokola nabakhi nokwabelana nabo ngenkqubo.

Umsebenzi wokwakha iholo, elilinganiselwa kuma-300 m2, wagqitywa ngeendleko ezixabisisa isigidi esiya-R1,7. Lonke ngaphandle liqityezelwe ngendlela encomekayo.

Indawo yokungena xa usiza ngeBuffels Road neendawo ezingqonde isakhwo iza kupheyivishwa kungekudala ukunika le projekti inkangeleko entle.

Ngokuphathelele kumgaqo kamasipala, amaholo oluntu alawulwa yikomiti eyenziwa ngabahlali. EPringle Bay, le komiti yenziwa kakhulu ngamalungu eklabhu yamanenekazi. Le klabhu yamanenekazi ikhuphe iindleko zokuthenga izixhobo nezinye izinto ezifunekayo.

Kungoku nje, eli holo lixakekile kwaye sele libhukishwe ngabantu abaliqela. Fumana olunye ulwazi ngokuqhagamshelana noRina Scholtz ngale nombolo yomnxeba 073 203 1487.



I-PROJEKTI YASEGANSBAAI INCONYWE KAKHULU

Iprojekti engumsebenzi wokugutyula iindle eGansbaai yiyo yodwa ethe yanconywa kudi lwayo xa bekunikezelwa iMbasa kwabaPhumelele emagqabini kwezoBunjini ngo-2009 kumsitho owawubanjwe ziNjineli ezingaBacebisi eMzantsi Afrika (Consulting Engineers South Africa-CESA) ngomhla we-12 Agasti 2009. Le projekti yenye yezisixhenxe kudi lwayo ezingenele ukhuphiswano lokufumana ixabiso eliphakathi kwezigididi ezili-R 10 nezigidi ezili-R100. Ophumeleli kolu didi nguNtimbale Dam eBotswana. Ukusuka ekhohlo nguPieter Jordaan weStewart Scott International, obe ngumlawuli weprojekti yaseGansbaai, nguFelix Foncoqa, ongumongameli weCESA, nguAndrew Chislett, ongummeli wenkampani iGlenwood MIB engumxhasi ngezimali, noDennis Hendriks, ongumphathi weprojekti zezibonelelo ezisisiseko nolawulo lophuhliso kuMasipala waseOverstrand.

KUZA KUPHUNGISWA ABANTU ABADALA E-KLEINMOND

E-Hangklip-Kleinmond uSibondakazi wedolophu uza kuphungisa amaxhego amaxhegwazana asele eyifincile iminyaka engama-70 kwiHolo loluNtu eProteadorp ngoLwesithathu umhla wama-21 kuOktobha ngentsimbi ye-10:00.

Abantu abafuna ukuzimasa eli theko okanye abafuna ukuncedisa bangaqhagamshelana noWilna Hooneberg, unoncwadi waseKleinmond, kule nombolo 028 271 8430 okanye kule 028 271 4021. Kungenjalo ungaqhagamshelana naye ngefeksi kule nombolo 028 271 3732 okanye ngale imeyile ilandelayo: whooneberg@overstrand.gov.za

IKHALENDI YEHLABATHI KOSINGQONGILEYO: INOMBOLO 7


USUKU LENDAWO YOKUHLALA EHLABATHINI

Rhoqo ngonyaka usuku langoMvulo kwi-veki yokuqala kaOktobha luSuku leNdawo yokuHlala eHlabathini. UMbutho weZizwe eziManyeneyo ukhethe olu suku ngenjongo yokukhangela ubume beedolophu nezixeko zethu nelungelo lomntu ngamnye ukuba abenendawo yokuhlala. Enye injongo yalo kukukhumbuzwa amazwe ehlalathi ngokanduvu lwawo ngokuhlengeneyo lokucinga nzulu ngeendawo zokuhlala uluNtu kwixesha elizayo.

Umxholo woSuku leNdawo yokuHlala eHlabathini ngowama-2009 uthi: **Uku-Cwangcisa ikamva lentlalo yasedolophini.** Yinto ebalulekileyo ukufundisa ngemfuneko yokuphucula izicwangciso zentlalo yasedolophini ukuze kubekho indlela yokumelana nemiceli mngeni eza nenkulungwane yama-21. Kulo lonke iHlabathi, iidolophu nezixeko ziyiva futhi impembelelo yokuguquka kwemo-zulu, ukwanda kwenani labantu ngendlela egqithisileyo, ukuphela kwemithombo yemvelo neminye imiba eziindidi ndidi.

linkqubo zokucwangcisa intlalo yasedolophini kwiindawo ezininzi ehlalathini azikho kumgangatho wokuba zingayisombulula imiceli-mngeni eyongamele izixeko needolophu zale mihla.

Indlela ehlangeneyo iza kusetyenziswa eNtshona Koloni kungekudala ukuze kulungiswe ingxaki yokuphala emva. Isicwangciso sePhondo leNtshona Koloni kuPhuhliso lwaMabala ziinzame zokuthintela iimpazamo ezenziwe ngaphambili ngabo banamagunya okwenza umthetho. Esi sicwangciso siza kujolisa kubume be-ikholoji, intlalontle nophuhliso loqoqosho (ummiselo "weentsika ezintathu" ngummiselo wophuhliso oluzinzileyo). Esi sicwangciso siza kunceda abanamagunya okwenza umthetho kwindlela yokusetyenziswa komhlaba namabala kosingqongileyo ngokukhangela ukuba uphuhliso olucetywayo lufanelekile ngokuphathelele kwiintsika ezintathu zalo mmiselo.



IPHULO LOKUHLAZIYWA KWEZIMILO: INOMBOLO 7

UBUMI

UBumi yindlela yesithandathu neyokugqibela yomgangatho wesimilo eliza kujolisa kuyo iPhulo lokuHlaziya kweZimilo eGreater Hermanus (Greater Hermanus Moral Standards Initiative-MSI). Ezi ndlela zintandathu zokuzixabisisa zenza iibhuloko zokwakha izimilo zethu ngokwahlukeneyo nanjengabantu abaphila ngokuhlengeneyo kwiindawo esihlala kuzo.

KuBumi, umgangatho wesimilo ngokuphathelele **kwiNtembeko, Imbeko, Uxanduva noNakekelo** ubonakala ngendlela athi umntu adlale indima yakhe njengoMmi owakhelene nabanye ekuhlaleni nokubonisa inkathalo ngezinto eziluxanduva lwakhe.

Kwimo yesenzeko, ubuMi phakathi kwezinye izinto buchaza ukuba:

- abahlali bayawahlawula amatyala abo kwaye bayabambelela kumalungiselelo abawenzayo ngokuphathelele kwintlawulo yala matyala. Abayenzi into yokuthwalisa abanye abahlali ingxaki ngokuxhamla amalungelo neenkonzo abangazihlawuleliyo.
- abahlali bayakholwa beyamkela eyokuba imithetho, imimiselo nemigaqo, nokuba umntu uyayitshikilela, iyafuneka ukuze ilawuleke intlalo

yoluntu. Bahlonipha umthetho kuba bekholelwa ukuba yinto efanele ukwenziwa.

- abahlali basebenzela ukubonisa intlalo yobumelwane ngawo onke amaxesha nokuhlonipha amalungelo abanye okuphela iziqu zabo neepropati zabucala. Abamelwane babo babaphatha ngendlela enobuntu nemfesane.
- abahlali bafaka igxalaba kwimicimbi ephambili yoluntu.
- abahlali basebenza ngokubambisana ekukhuseleni nasekugcineni okusingqongileyo kucokile.
- abasemagunyeni kunye neenkokheli zoluntu bayakwazi ukuqinisa ubumi ngokungenelela ngezinto ezintle kwiindlela oluziphetha ngayo uluntu.

Qiniseka ukuba uyaziveza iimpawu zokuzithemba nobubhetyebhetye bakho ngokuphathelele kubuMi nezinto onokuthi uzenze ukuqinisa ububhetye onabo.

Uvumelekile ukuba ungathumela naziphi na iingxelo okanye iingcebiso ngokuphathelele kwiPhulo lokuHlaziya kweziMilo kwezi imeyile: ernstes@vodamail.co.za okanye ngeSMS kule nombolo 082 412 4538/ 082 470 3975.